

珍惜所有 創造職位回饋社會

# 珍惜所有 創造職位回饋社會

Winnie學生時期是游泳健將，自小好奇愛新嘗試，12歲便遠赴英國讀書，14歲起每逢暑假都出外打工，做過銀行櫃檯員、餐廳侍應、酒店服務員，小時候夢想成為工程師，又曾經在建築公司實習，才發覺不適合及時轉軌，笑言「行少很多冤枉路」。

畢業後曾出任Malaysia Land Properties董事，打理商場業務，「當時我給了好多idea畀租客，甚至幫店舖改名，她們現在都對我好好，入到去會免費請我食嘢。」

## 地產千金不敵貴租金

2007年，Winnie用私己錢創業，取得日本漢堡包店Freshness Burger的香港經營權，親身到日本學師，落手落腳整漢堡包，由於加盟費可於半年後支付，而舖位當時處於海運的新區，租金相對相宜，短短一個月便回本。

舖頭日賣過千漢堡，惟生意再好，也不敵狂加的租金。她說：「舖頭生意好好，每天有200多人排隊，我已經開到8間，香港一間的營業額等如日本的10間，但做到第三年地產商加租，差不多只能收支平衡，部分店更加租兩三倍，所以我決定放手，何必幫業主打工？最後只能結業。」

生於富裕家庭，Winnie時常把珍惜兩字掛在口邊，認為就算是富二代也要付出努力才能成功。「因為家人關係，我的機會比別人多，所以我會更加努力做好嘢，再創造機會畀其他人。」

帝盛目前為IVE學生提供獎學金，「酒店這個平台是不用大學畢業，你只要肯做，擺個心出嚟就得。之前就有個同事由bell boy，好努力，短短幾年做到front office manager，他激發我要把公司再發展得大啲，創造一個令到多啲肯做肯捱的後生仔向上流的平台。」



■帝盛為修讀酒店、服務及旅遊課程的學生提供獎學金